



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 27. Concilium primum Parisiense.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

reiciebat, & Symbolum Nicænum tene-
 ri prohibebat. In fine illorum temeri-
 tatem damnat, qui humani intellectus
 angustia naturam divinam comprehen-
 dere volunt, cum aliquam partem nostri
 ipsorum cognoscere vix dici possimus.
 At hoc opus videtur mansisse imperfe-
 ctum. Scripsit etiam Tractatum adver-
 sus Valentem, & Ursacium, in quo Hi-
 storiam Conciliorum Ariminensis, & Se-
 leuciensis concinnaverat, cujus tantum
 fragmenta nobis supersunt, at propter
 Acta, & Epistolas ibi posteritati traditas
 pretiosa.

Sæculum IV.
 A. C. 360.

Hier. Script.
 Ruf. pro.
 Orig.

§. XXVII.

Concilium primum Parisiense.

Inter alia in his fragmentis habemus E-
 pistolam Synodalem cujusdam Conci-
 lii Parisiensis, qua Episcopi Gallix Epis-
 copis Orientis respondent; isti enim ad
 S. Hilarium scripserant, ut malas artes
 hæreticorum detegerent, qui occasione
 unius vocis, substantiæ, dissensionem in-
 ter Orientem, & Occidentem alere sa-
 tagebant; eos qui scripserant, verosimi-
 le est fuisse Basilium Ancyranum, atque
 alios Catholicos, aut Semi-Arianos, qui
 in Concilio Constantinopolitano ab A-
 nomeis depositi, omnes Regiones suis
 questibus implerunt. In hac Epistola E-
 piscopi Concilii Parisiensis fatentur, eo-
 rum

A-Sup. §.
 XXII.

Sæculum IV.
A. C. 360.

rum plerosque, qui ad suppressendam vocem *ousia* seu substantia, sive Arimini, sive Nicæ in Thracia consenserant, id Orientalium auctoritate inductos fecisse. Vos, inquiunt: olim hanc vocem contra Avianorum hæresin introduxistis, hanc a vobis accepimus, & inviolata fide servavimus. Vocem HOMOOUSIOS libentissime recepimus, qua vera, & naturalis Filii Dei unigeniti nativitas exprimitur; unionem, quam blasphemus Sabellius docuit, detestamur. Neque dicimus, Filium esse particulam Patris, sed ex Deo ingenito, integro, & perfecto, natum esse Filium unicum, integrum, & perfectum. Quando dicimus, Filium esse ejusdem cum Patre substantiæ, ideo dicimus, ut creationi, adoptioni, aut simplici denominationi nullus supersit locus. Si Filius dicatur Patri similis, non scandalizamur, cum Dei invisibilis imago sit, at nullam aliam Dei Filio dignam similitudinem intellectu concipimus, quam Dei veri cum Deo vero, similitudinem nempe, quæ, unione exclusa, unitatem indicat; unio cum unitate stare non potest. Unitas solum illius, qui genitus est, perfectionem explicat.

Coloss. 1. 15.

Et inferius: Itaque, charissimi fratres! cum ex litteris vestris intelligamus, in negotio suppressionis vocis, substantia, simplicitati nostræ fuisse illusum, &

Et referente Fratrem nostro Hilario sciamus, illis, qui Arimino Constantinopolim reversi sunt, tantum animi non fuisse, ut horrendas blasphemias damnarent, quamvis, ut incluse vestrae litterae testantur, a vobis fuissent admoniti, nos quoque omnia ea, quae perperam, & per ignorantiam facta sunt, retractamus. Excommunicatos habemus Auxentium, Ursacium, Valentem, Cajum, Megasum, & Justinum secundum Epistolas vestras, & secundum fratris nostri Hilarii testimonium, qui edixit, nunquam se illis communicaturum, qui eorum errores sequerentur. Damnamus etiam omnes blasphemias, quas ad calcem Epistolarum vestrarum apposuistis; maxime autem Episcopos Apostatas damnamus, qui quorundam ignorantia, vel impietate in Sedes fratrum nostrorum, contra fas omne in exilium pulsum, suffecti sunt; testamurque Deum, si quis in Galliis huic nostro Decreto parere recusaverit, Communionem, & Sacerdotio privandum. Et quia Saturninus Decretis salutaribus impium caput apposuit, scitote, ab omnibus Galliae Episcopis fuisse excommunicatum, juxta litteras a fratribus nostris jam bis scriptas; est enim Nomine Episcopi indignus, tam propter sua scelera priora, tamdiu dissimulata, quam propter novam Epistolarum, quas impie dedit, temeritate.

Sæculum IV.
 A. C. 360.

merita-

Sæculum IV. meritatem. His Epistola Synodalis Con-
 A. C. 360. ciliii Parisiensis clauditur. Forte quis a
 vero non aberraverit, si paulo post redi-
 tum S. Hilarii, vivente adhucdum Con-
 stantio, actum crediderit. Episcopos
 Gallia a Constantii persecutione securos
 reddebat auctoritas Juliani, qui jam an-
 no 360. Lutetia Parisiorum Augustus sa-
 lutatus est; cujus in hac urbe commo-
 ratio causa esse potuit, cur potius illuc,
 quam alibi Concilium convenerit, nam
 illo adhuc tempore Christianum simula-
 bat.

Pagi an. 362
 n. 23. inf.
 n. 34.

§. XXVIII.

Scripta Luciferi Calaritani.

In alio loco Lucifer Calaritanus in suo
 exilio pro defensione fidei adversus
 Constantii persecutionem varia scripta in
 lucem emisit. Opus primum, Impera-
 tori inscriptum, quo S. Athanasium defen-
 dit, in duos libros dividitur, & incipit
 in hunc modum: *Cogis nos, Constanti!*
fratrem nostrum Athanasium absentem
condemnare, quod Lex Dei vetat. Po-
tentia tua Regia Sacerdotes Dei ad effun-
dendum sanguinem impellis, & nescis,
quod obedire non valeamus, nisi jura
justitiæ, quæ a Deo accepimus, proculce-
mus. An dices, lege Dei permissum esse
condemnare absentem, & inauditum, imo
innocentem? cum tibi ex S. Scriptura
 notum